

Пресс-релиз

“Саноат корхоналарининг энергия самарадорлигини ошириш” лойиҳаси – худудларга хорижий инвестицияларни жалб этиш бўйича мақбул имкониятлар

2019 йил 22 январь куни Сирдарё вилояти Гулистон шаҳрида Иқтисодиёт ва саноат вазирлиги томонидан Жаҳон банки билан ҳамкорликда амалга оширилаётган “Саноат корхоналарининг энергия самарадорлигини ошириш” лойиҳаси бўйича худудларга хорижий инвестицияларни жалб этиш бўйича мақбул имкониятлар тўғрисида давра сұхбати бўлиб ўтди. Унда саноат корхоналари, тадбиркорлар ҳамда тижорат банклари вакиллари иштирок этдилар.

Энергия истеъмолчиларига саноат корхоналарида, шу жумладан кичик бизнес субъектларида энергияни тежайдиган технологияларни жорий этиш тажрибаси ҳамда энергия самарадорлигига инвестиция йўналтиришнинг фойда ва афзалликларни кўрсатиш масалалари кун тартибининг асосий мақсади этиб белгиланди. Давра сұхбатида иштирокчилар лойиҳанинг афзалликлари ва ажратилаётган маблағлардан фойдаланиш имкониятлари тўғрисидаги маълумотлар билан таништирилди.

2018 йил 30 январь куни Жаҳон банкининг директорлар Кенгаши томонидан лойиҳа доирасида қўшимча 200 млн.долл. миқдорида маблағ ажратилиши маъқулланди ва 2018 йил 2 октябрда Ўзбекистон Республикаси Вазирлар Маҳкамасининг “Халқаро тикланиш ва тараққиёт банки иштирокида “Саноат корхоналарининг энергия самарадорлигини ошириш” (2- Қўшимча молиялаштириш) лойиҳасини амалга оширишга доир қўшимча чора-тадбирлар тўғрисида” №785 сонли Қарори қабул қилинди.

Маълумки, “Саноат корхоналарининг энергия самарадорлигини ошириш” лойиҳаси

2011 йилдан буён ўз фаолиятини олиб бормоқда. Лойиҳа доирасида 30 дан ортиқ саноат корхоналари Жаҳон банки ва Ўзбекистон тижорат банклари ҳисобидан ажратилган имтиёзли кредитларга эга бўлдилар. Ушбу корхоналар электр энергияси ва табиий газ истеъмол ҳажмини қисқартириш каби қатор қулайликлардан фойдаланишмоқда.

Ажратилган маблағлар 6 лойиҳада иштирок этувчи банклар орқали молиялаштирилмоқда – Ўзсаноаткурилишбанк, ТИФ Миллий банки, Асакабанк, Ҳамкорбанк, Осиё Альянс банк, Инфинбанк.

Бугунги кунга келиб, мамлакатимизда лойиҳа доирасида жами энергия самарадорлигини ошириш бўйича 82 та субвойиҳа амалга оширилмоқда. Ҳисоб-китобларга кўра, ушбу лойиҳаларнинг муваффақиятли бажарилиши натижасида

Ўзбекистон худудлари бўйлаб йилига 500 миллион кВт/соат электр энергияси ва 187,7 миллион куб метр табиий газни тежашга олиб келади.

**“Саноат корхоналарининг энергия самарадорлигини ошириш”
лойиҳасининг мувофиқлаштириш гурӯҳи**